

anno 1938 erecta est expositura paroecialis seu vicaria perpetua in loco Borovo pro operariis fabricae »Bata«. Expositura facta est separatione dicti territorii a religiosa parochia de Vukovar, a qua et deinceps semper dependens remanebit. Haec quoque, obtentis obtinendis facultatibus, Franciscanis hujus provinciae in perpetuum tradita est ac ab ipsis acceptata.²¹

Adhuc duas parochias saeculares fratres hujus provinciae administrant, i. e. parochiam Maja, et Bosanska Kostanjica, quam provident de sua residentia Hrvatska Kostanjica.²²

Sic ergo provincia SS. Cyrilli et Methodii hodie 13 parochias regulares respectivis conventibus et provinciae incorporatas habet, atque duas alias saeculares de suis sodalibus providet.

B. De provincia S. Hieronymi in Dalmatia

Haec provincia ejusque conventus originem ducunt cum ab antiquissima illa provincia Slavoniae, quae jam prima medietate saeculi XIII existebat²³ et a. 1298 nomen in provinciam Dalmatiae s. Hieronymi commutaverat,²⁴ tum a Vicaria Bosnae, cujus plures conventus in Dalmatia siti, agentibus sic circumstantiis temporum, huic provinciae obvenierunt.

Etenim, anno 1464 Pius Papa II unionem provinciae Dalmatiae et Vicariae Bosnae fieri jussit;²⁵ quae quidem unio parum durabat. Fratres enim Ragusini velis remisque agebant de separatione a Bosnensibus et aliis Dalmatinis, immo et quatuor conventus Vicariae Bosnae (Slano, Umblam,

²¹ Arch. prov. in Zagreb. Documentum ex parte Ordinariatus Dakoviensis de die 28 Aprilis a. 1938 Nro. 818; facultates impetratae ad recipiendam exposituram paroecialem ibidem. Attamen, ob certas difficultates, fratres nondum ibi ecclesiam et hospicium aedificaverunt. Schematismus de a. 1940, 87.

²² Čapkun, Neispravno mišljenje o bosansko-hercegovačkim franj. župama, in Nova Revija, XVIII (1939), 434 et nota 22.

²³ Cf. supra p. 20ss.

²⁴ Rode B., De antiquitate Provinciae Slavoniae O. F. M. nunc Dalmatiae, in AFH, I (1908), 506.

²⁵ Fermeđžin, Acta Bosnae, 260—262 n. 1089.